

Алберт Ванеев -

**В**ежодоны  
КЫДЗЬЯС



1. The first part of the document is a list of names and addresses, which are arranged in a columnar format. The names are written in a cursive hand, and the addresses are written in a more formal, printed style. The list includes names such as "John Doe" and "Jane Smith", and addresses such as "123 Main Street" and "456 Elm Street".


2. The second part of the document is a list of names and addresses, which are arranged in a columnar format. The names are written in a cursive hand, and the addresses are written in a more formal, printed style. The list includes names such as "John Doe" and "Jane Smith", and addresses such as "123 Main Street" and "456 Elm Street".

3. The third part of the document is a list of names and addresses, which are arranged in a columnar format. The names are written in a cursive hand, and the addresses are written in a more formal, printed style. The list includes names such as "John Doe" and "Jane Smith", and addresses such as "123 Main Street" and "456 Elm Street".


4. The fourth part of the document is a list of names and addresses, which are arranged in a columnar format. The names are written in a cursive hand, and the addresses are written in a more formal, printed style. The list includes names such as "John Doe" and "Jane Smith", and addresses such as "123 Main Street" and "456 Elm Street".

Handwritten signature or name, possibly "L. M. Jones" or similar, written in cursive script.





Альберт Ваневу-

 ВЕЖОДОНЫ  
КЫДЗЬЯС

КЫВБУРЪЯС

ПОЭМА



---

КОМИ КНИЖНОЇ ИЗДАТЕЛЬСТВО

Сыктывкар

1972

С (КОМН)

В17

7-4-2

34 72M



# Ўозос шонтыны косья

---

## МЕДВОДДЗА БУКВАРЬ

Коть ывлаын гындысьö турөб,  
Важ керкаын шоньд да лөнь.  
А менам учительлөн юрыс  
Со гыөртөм пожом кодь скөнь.

Ми рытивбыд пукалам ськөд  
Да нюжөдам сёрнилысь визь:  
Ме кывза лов дзебөмөн, шытөг  
Ас коми учительлысь висьт...

— Ме дыр сійос виччыси, пиö,  
Кор школаö чукöстас ар.  
Сэк первойысь босьтї ме киö  
Дзик медводдза коми букварь.

Ме книгасö восьтї,  
А сэні...

Тшöтш йирмөг и пöсь лои мем:  
Выль книгасянь нюмъяліс Ленин  
Да ставнымлы вöзйис бур нэм.

И ышöдіс, чуксаліс водзö,  
Мед тöдöмлун чукöртім ми,  
Мед олөмсьыс аддзимöй кодзув,  
А эг сөмын дзузгана би.

О, кутшөм ми вöлімöй радöсь,  
А зильöмным кыпыд да яр:  
Октябрь революция кадöдз  
Эз вöв ньöти коми букварь.

А сытöгыс некутшөм öдзöс,  
Кöть игантöм сійö, он восьт:  
Оз овлы кö тулысын кöдза —  
И арнас дзик нинөм он босьт.

А öні со Пармаын, гортын,  
И школаяс, и институт...—  
И дзирдыштїс Ленинлөн орден  
Учительлөн морöсын друг.

— Ми выль бердас сьолөмсянь босьтчим  
И ловзьөдiм сиктьяс и кар,  
Өд Ленинлөн миянлы воссис  
Не сөмын,  
Не сөмын букварь.

А олөмлөн югыдыс тадз жө...  
И өтитор шуны ог пов:  
Мед Ленинөс ловйөн эг аддзыв,  
Но сытөг и лун ме эг ов.

## ПАРТИЯЛӨН ПИ

Чужөмсянныс славнөй Комсомол  
Партиякөд юкліс төжд и мог.  
Тайө могсьыс бокин эз жө овлы  
Миян войвыв, Коми комсомолным.

Ыджыд Революциялысь би  
Парма-вöрын öзтіс налөн ки.  
Комсомолын, Партияын ёнмис  
Вунөдлытөм Каликова Домна.

Кисьыныс эз усьлы пила-чер,  
Рөдина кор ыстіс лэдзны кер.  
А кор вөрөг кутіс лөгсө песны,  
Повтөмлунсө петкөдліс Оплеснин.

Со и талун уна ыджыд мог  
Сулалө тэ водзын, Комсомол:  
Помтөм газопроводсө — «Вой кыа» —  
Нюжөдісны том войтырлөн кияс.

## ЧУЖАН ЛУНӨН, МЕНАМ КОМСОМОЛӨЙ

И Будённыйкөд өттшөтшья дед,  
И том нывка, код школаө волө,  
Өтмоз чолөм кыв шуёны тэд:  
Ов да дзоридзав пыр, Комсомолөй.

Комсомол!

Миян томлун да шуд,  
Мортлөн олөмын шондiа тулыс.  
Некод воськовтө тэнсьыд оз кут,  
Тэкөд ставыс, мый эм миян бурыс.

Комсомол новлө Ленинлысь ним —  
Нимыс батысьсянь вуджлывлiс миян.  
Челядь, кодьясөс быдтамөй ми,  
Сiдз жө лоасны Ленинлөн пиян.

Донатор — комсомольскөй билет  
Мортлөн сьөлөмө нэм кежлө кольө.  
Быдөн сы вöсна шуёны тэд:  
Ов да дзоридзав пыр, Комсомолөй!

Партиялөн быдтас, сълөн пи,  
Коми комсомолным, кӧнӧсь ми.  
Талун сылы аттьӧ кывсӧ шуны  
Сьӧлӧмсяныыс вермас Коми муным!



## ЧУЖАН МУ

Варов ёльяс, еджыд яла ягъяс,  
Керӧс увті шуньгысь Эжва ю,  
Сыктывкарын дӧлалысь гӧрд флагъяс —  
Ставыс тайӧ миян чужан му.

Озыр ыбъяс, зарни гыча тыяс,  
Видзьяс весьтӧ ӧшйӧм кокни ру,  
Тэрмасъыштысь поездъяслӧн шыяс —  
Ставыс тайӧ миян чужан му.

Лыа вылын челядъяслӧн ышмӧм,  
Гортса кильчӧ дорын ниа пу,  
Дзормӧм юрси вылас мамлӧн чышьян —  
Ставыс,  
Ставыс тайӧ чужан му.



Торья муса овлө чужаніныд,  
Ставыс сэні югыд, сөстөм, бур:  
Сөмын мича рөмьяс аддзө синмыд,  
Ньöти тєпкан кок улад оз сюр.

Югыдджыкөсь сэні тувсов войяс,  
Шемөсмөдө вөр-ваыслөн мич:  
Торья югөр шондіыс сэн койö,  
Торья шөвкөн лөставлывлө видз.

Шаньөсьджык сэн весиг арся зэрьяс —  
На вылө и элясьны оз позь.  
...Мөд ног гортөс казътивны ог вермы,  
Мед көть сэсся эскасны көть оз.

## ЭМ ЧУЖАН СИКТ...

Эм Коми му.  
Эм менам чужан сикт,  
И керка,  
Көнї потан менам вөвлі,  
Көн мукөд пöрысь пöчьяс моз жö дзин  
Сё муса пöчöй сывліс меным: «Өввö!»

Ме быдми, сюрліс велöдчыны кад,  
И сикткөд йитысь сюрös быттьö ори.  
Но мыйла сьölөм овлö сэтшөм рад,  
Кор кыскас менö югыд Мозын дорö?

И кадön мыйла гажтöмтчöм оз быр,  
И көсийссьö мем лунысь-луно ёна,  
Мед чужан сиктöй шуда лоас пыр  
Да батылön керка нэм чöж лоас шоныд?

Джын сиктыс — рöдвуж,  
Лыдтöм — чой да вок,

И төдөны, кыз ола-выла йөзын.  
Дерт, чатөр юрөн сиктө ме ог лок,  
Но пола сэтчө локны лувгөм бөжөн.

И өти сэтшөм көсйөм видза век;  
Мед эськө яндзим ме вөсна эз көвьясь  
Ни сиктлы, көні коркө чүжи ме,  
Ни керкалы, көн потан менам вөвлі.



## СИКТСА ЗОН

Лөз парма шöрын,  
Ичöтик да рам  
Сё тыяс костын  
Куйлö ляпкыд тытор...  
Сэн дзибрöс пыжын,  
Менö чужтис мам,  
Кыз висьтавлöны,  
Шоныд гожся рытö.  
Зэв нимкодь бательы:  
Ачыс — сынисады,  
Крестьянскöй пиыд —  
Овмöс шөрö мыджöд.  
И ас кежас, дерт,  
Чайтис менам бать,  
Мый, кыз и чужи,  
Нэмöс коля пыжын,  
Мый вöдитны ме  
Кута му да видз  
Да паськöдны

Быд гожом дедлысь керас...  
И батылөн мөвпыс  
Лэбё-лэбё сідз:  
Со ме нин керка тшупны  
Лэчта черёс...  
Но меным олём  
Мыччис мөдджык чер,  
Мем сійён лоё  
Тшупсыны вель уна.  
Оз кокныда мем  
Воссы паськыд эрд:  
Ме гижысь мортлөн  
Ордым кузя муна.  
А ордым сійёс  
Писькөднысё мем,  
Кыз эртыясойлы,  
Тшөкыд рас пыр лоё.  
Мед вынным судзсис,  
Велөдчамой нэм:  
И институт,  
И сы бёрын на вояс.  
Мыйсюрө меным  
Воссыштё кодь нин  
И коланаён чайта  
Ассым уджёс,  
Но кодыр чужан сиктлань  
Чөвтла син,  
Ме казавла,  
Мый унатор ог куж өд.

Ме сиктса зон,  
И сиктын менам вуж,  
И овлө жаль,  
Мый ог пет гөрны-көдзны,  
И овлө жаль,  
Мый батьёй моз ог куж  
Ни вёравны,  
Ни мича туйс вочны.

Йӧз муын кӧ чорыда висьман,  
Быть кулан пӧ,  
Пасьмунас шуд:  
Буд дотор оз косьмы, а письтас,  
Меддона лекарство оз кут.

А гортад и висьӧмыд повзяс,  
И кулан да дзикӧдз он кув,  
Кор мянлысь виччысьӧ ловзьӧм  
И ӧмидз,  
И гӧрдӧдысь пув.

Кор юрлӧсыд небыдик нитшкысь,  
Кор вольпасыд — небыд ньыв лыс,  
Кор пӧлялӧ ноддя ас пытшсьыс  
Бур шоньд,  
Кыз мам сьӧлӧмсьыс.

Дерт, гашкӧ, и абуджык сӧдзи,  
Ог вензы ме,

Нинӧм ог шу.

Но тӧда, сӧ висьӧмысь видзӧ

Да бурдӧдӧ ас чужан му.



## ГОРТСА ПЫВСЯН

Ог на во ме, но локтём кывсяс,  
Батьё ломтас нин öдья пывсян.

Ломтас-лөдсалас кыдзкө торья,—  
Весиг донавлас изья горйыс.

Сэсса корöсьяс босьтам сукөд,  
Лэччам пывсьыны сöмын кыкөн.

Сэни төдмалас менсьым авйöс  
Сэни юасяс менсьым ставсö.

Пöжас-небзьöдiс кык виль корöсь,  
Сэсса орсьыны менö корас.

Лыöдз-вемöдзыд жарыс пырас,  
Туйвыв мудз тувсов лым моз бырас.

Пывсьöм бöрас нин гөгөрвоа,  
Мый ме бара на гортö вои.

## БАТЬКӨД СЕРНИ

Сиктө воа, юасьлывлө бать,  
Мый нин вөчи бөръя вояс чөжыс!  
Мыйся уджөй!  
Эм-ө сәні лад!  
Мыйысь пыдди пуктыштө бур йөзыс!

Аслас сьөлөм серти воча кыв  
Көсийө кывны.  
Висьтала, кыз сямма:  
«Велөда ме чужан коми кыв,  
Велөда да лелькуйта, кыз мамөс».

Сё во мысьт Куратов бөрын ми  
Талун парма войтырыслы ссылам.  
Кольөм кадыс коми кыв эз ви.  
И со коми мамлөн гижысь пи  
Нимкодяся мыла  
Чужан кылөн...

## МАМ ДА ПИ

- Мамöй, ставыс ворсö тэнад кыин...  
Пöрыслань кöть котравнытö ланьт.  
— Метö мый нин...  
Кöсья öнi, пиук,  
Тэ мед вöлин писькöс, уджач, шань.
- Мамöй, ме тэд вайи мича платтьö,  
Вайи шоныд шаль.  
Эн юась дон...  
— Гöстинечсьыд, пиук, эськö аттьö,  
Но öд аслад семьяад вит вом.
- Мамöй, ветлам шойччыны вай Крымö,  
Мед кöть öтчид шонтысьыштан сэн.  
— Чурки-буди, пиук, ог на кынмы,  
Юр сюянiн, шонтысянiн эм.
- Кокныд лун оз корсьлы, нэмсö пессьö:  
Йöзлань — лышкыд,

Ас пондаыс рам...

Муслунён да төждлунёнджык медся

Озыр овлө мян муса мам.

ТОМАТКА БИЛМӨ



## РОМАНТИКА ЙЫЛЫСЬ

Том йөзлы романтика век колө:  
Чөскыд мудзсө медым төдлас сой,  
Видзьяс вылын вонйын узыны долыд,  
Бипур дорын кольны гождя вой.

Шензьө мам:  
Романтика...  
Сё морө,  
Мыйся тайө гөгөрвотөм кыв!  
Сьөкыд уджсө бытьё аслыс корсьө  
Коркө война бөрын чужөм ныв.

Мамыс төдліс йиа-ваа сплавсө,  
Пөрөдывліс изйөдз кынмөм вөр.  
Война тшыныс курдөдліс кор ставсө,  
Эз төд, вөв ли ачыс кыскис гөр.

Кача сөчөн страдна дырйи сёйис,  
Уджсө кө он вөч — оз вевъяв мөд...

**Сöмын мый романтикаыс лоö —  
Пöрысьмыштöм нывбаба оз тöд.**



## МАМЛӨН КЫВ

Пөрысь мамлөн уджын чорзьём кияс  
Талун мыйкө печкыштöны надз...  
Инженерөн лоис ыджыд пиыс,  
Ичöt пиыс — ас сиктаныс врач.

Пöчöс шуда аньөн колö чайтны:  
Пияныслы сетис мывкыд-сям.  
Ыдждöдлыны, либö величайтны  
Кыкнан писö поэбö.  
Тöдö мам.

Тöдö, мый оз весьшөр олём овны,  
Пыдди пунктö налысь сьökыд шуд.  
Тöдö, налысь яндысьны оз ковмы,  
Сöмын найöс ошкыны оз кут.

Чирыштас и видас, мыйысь колö,  
Сöмын оз жö лёкысь быттö, дерт.  
Сэтшөм здукö мам водзас чөв олö

**Сиктса врач.  
И тошка инженер.**

**Веськөдас, и пальөдас, и кывзас...  
[Сэтшөм жө и мян чужан му].  
...Элясьны оз ков, мый ошкан кывъяс  
Быд лун мамным мянлы оз шу.**



## П О Ч О

Ёна кө пö зильны пондан,  
Уджтöм лун оз сюр.  
Шонтö пö и рытья шондi,  
Поводдя кө бур.

Лэччас куртанiнö пöчö,  
Пелька вөрö ки.  
Турун юрьяс сiдзи вöчö —  
Завидьтам тшöтш ми.

Мед көть абу важ кодь выныс,  
Весь олöм оз корсь:  
«Джын дорö пö содтан джын да —  
Лоас быдса морт.

Меным деньгаторйид локтö,  
Олöм абу руд.  
Сöмын пенсияйд гортын  
Ме кодьтö оз кут.

Ог на, ог на керка стенөн  
Дзескөд ассьым нэм:  
Пöрысьлун кындзиыс менам  
Сьөлөм ещö эм».

## ШОЙЧЧӨМ ЙЫЛЫСЬ

Кор ме сиктса уджач йӱзсӱ аддза,  
Отпускӱйлы овывла не рад:  
Гожъявны да купайтчыны яндзим,  
Гожӱмыд ӱд сиктын — страдна кад.

Верстьӱ мортӱс эськӱ он нин тӱдлы,  
Сиктад весиг пӱрысь морт оз педз:  
Асья кыа удж вылӱ сӱк вӱтлӱ,  
Рытья кыа гортӱ оз на лӱдз.

Зэра лунӱ шойччӱм пыдди — вӱрӱ:  
Колӱ на ӱд кералыштны пес.  
Куйлыссяс пӱ ки кресталӱм бӱрын...  
Ловья морт нӱ кыдзи олан весь!

Сиктсалы не сӱмын страдна уджыс —  
Тӱв и тулыс тырмӱ тӱжд да мог:  
Комияс, ми уджавнытӱ кузам,  
Сӱмын, гашкӱ, шойччынысӱ ог.

## КОКНИ БОРДЬЯ МАЙ

Бара гурйив  
Ошиньяс ми восьтім —  
Бара тулыс,  
Йиысь мездмис ю,  
Воём колип  
Бара гөлөс ёсьтө:  
Ссылё-ошкө  
Ассыс войвыв му.  
Вөр-ва садьмём  
Век коть видзөд эськө,  
Век коть шуда мортөн  
Асьтө чайт,  
Кодыр дона  
Чужан сиктьяс весьтын  
Мывкыд руөн  
Пöлясьлывлө май.  
Бара кыз пу  
Тшاپитчө да вöччө,  
Тиралө да гирзьö

Пипу кор,  
Тувсов шонді улын  
Зильмө-өддзө  
Вутшьяс костө  
Товнас йизьом шор.  
Томаньяс ни иганьяс  
Оз видзны —  
Локта вөрө,  
Көн көть ме эг вөв:  
Аддзан, кылан,  
Кызди повзьө мичлун...  
Вай тан, ёртөй,  
Пукалыштам чөв,  
Югид көсьом  
Сьөлөманым пестам,  
Мыйкө ыджыд буртор  
Вөчам вай...  
Мед жө дырджык  
Миян Войвыв весьтын  
Кокньыд борднас  
Шенасьө веж Май!



Эжва кывтыд төвзё теплоход,  
Гыяс вундö ваö лэдзöм бордйөн...  
А мем өнөдз казътивсьöны вот  
Ичөтдырся  
Юсь кодъ пароходъяс.

Олёмнымлөн öдыс öнi мөд...  
Пиянным нин миян — верстьö зонъяс,  
Но и менö оз на дзугыльмөд  
Арлыдöй:  
Кыдз налы, олём дона.

Мый, көть юрси неуна и дзор,  
Серамöй не сэтшöм гылыд, гашкö,  
Но зон войтыр кытшö пукся кор,  
Бытьö пыра тöдса кыддза раскö.

Съыла накöд öттшөтш съыланкыв,  
Арлыд бытьö чинö, вынöй содö...

Көть и төда,  
Миянкөд оз кывт  
Ичөтдырся юсь кодь пароходй.



## КӨКА ВОЙЯС

Шонді, ытва, нюмдөм чужөмбан —  
Быдторнас сэк нимкодясьлам тан:  
Бурдлывлөны, чайтсьө, бурдтөм дойяс,  
Кодыр Коми муын көка войяс.

Уна муслун чужө, этша — лөг,  
Кузь нэм, бур шуд йөзлы вөзйө көк,  
Мусуклөн сэк медся небыд сойяс,  
Кодыр Коми муын көка войяс.

Войыв муын ола-выла нэм,  
Но пыр выль ног петкөдчөны мем  
Асья, рытья кыаяс — бур чойяс,  
Кодыр Коми муын көка войяс.

И мый вермис лоны да эз ло,  
Збыльмөднысө сэки зілям со:  
Бур надея югөрьяссө койлас,  
Кодыр Коми муын көка войяс.

## ТӨВСЯ АСЫВ

Сэзь да югыд төвся асылыс  
Клёнакылө — кын.  
Кылам воськовнымөс ассьыным —  
Гора дзуртө лым.

Дзуртөм шыыс пельөдз инмөдчө,  
Вөтлө войся ун.  
Чеччө эзысь садьмөм синьясө,  
Бөр көть найөс кунь.

Кыдзьяс вылө жемчуг өшйөма —  
Висьтавыны он куж:  
Юрсянь кок улөдзныс прөшвиөн  
Гыөртөма пуж.

Тайөс нимкодясиг видзөдны  
Ме ог дөзмы нэм.  
Төвся серпасыс зэв мича да  
Вывті дона мем.

Асывбыд со шöйта-ветлöдла.  
Ачым — шуда, рам.  
Кöдзыд эськö нырöс чеплялö,  
Кыз тай коркö мам.



## НИМЪЯС

Кужлөмаось, майбыр, миян пöльяс  
Величайтны войвыв чужанін,  
Мывкыдныслы сетлөмаось вöля —  
Бөрйылөмны мыйта мича ним:

«Лун морöса ыб» да «Öмидз ластва»,  
«Мыка ёль» да «Гörd кельчиа ты»...  
Бур сьöлөма мортöс быттьö казтьö  
Кывъясылөн авъя, сöstөм шы.

Талун öмöй пөкмис чужанінным!  
Мөвпным оз мöй судзсы, оз мöй ворс!..  
Ми öд öні сеталам жö нимъяс:  
Ставыс Дивногорск да Белогорск.

## ЙИРСЬӨДЧИГӨН

Водз тулысын, кор вежодас ас муным,  
Кор муртса сөмын сыркмуныштлас вой,  
Ми, челядь чукөр, йирсьөдчыны мунам  
Да войбыд кывзам вөр-ваислысь мойд.

Мудз вөвьяс дорын —  
Тэрыб, посни зоньяс,  
А зепьясаным — картофель да лук.  
Ми пөжасям да лыскысь вөчам чомьяс  
Да бипур вомөн чеччалам бур здук.

А сэсса войыс босьтас небыд сывьяс,  
И ыб, и яг сэк матынось сё пөв,  
И төдтөм, гөгөрвотөм муслун кывьяс  
Том сьөлөмясө пөльтас лунвыв төв.

И сэтшөм мелі чужан мулөн гөлөс!  
И сэтшөм лөсьыд сылөн ловья мич!  
А быдмам —

**Төждлун гартас уна пөлөс  
И нимкодясьлам вөр-ванас ог сідз.**



## ЛЬӨМЬЮ

Он нин важмоз уна льөмйөн нимав —  
Лоин быдса карлөн шойччанін.  
Льөмью, аддзөдчывны тэкөд нимкодь—  
Он өд прөста новлы мича ним.

Мыйөн сөмын Эжва йисө йөткас,  
Мыйөн сөмын вөрзяс теплоход,  
Чуксасян нин, эновтлыны тшөктан  
Коми мортлы дзескыд карса горт.

Кажитчө, мый сэки выльысь чужлам,  
Кодыр выльысь аддзам пожом вөр,  
Выльысь юква вөчлас чөскыд ужин,  
Выльысь төдлам заравалысь көр.

Лышкыд Льөмью,  
Тэ и сійөн дона —  
Кывбур гижны сьөлөм сетлан век:

Ми воксö тэ ышöдлывлан ёна,  
Сы вöсна, мый ачыд мича сэк.

Льöм пуястö тэнсьыд ме ог дойдав —  
Мичлуныс öд абу сöмын мем.  
Карса мортлы волöмыс тэ ордад  
Чужан сиктö волöм кодь жö-й эм.

ОШМОНИ

## ИСТӨГ

Мед көть и писькөсөн шусян,  
Быдөн ог вермөй на ми  
Майшасьтөг лым улын узыны,  
Зэр улын пестыны би.

Торъя нин сэк, кодыр истөг  
Кольома дзик өти тув,  
Көдзыд кор ки и кок нистө,  
Өзтан кө — ов,  
Он кө — кув.

Шмонитлам, истөг кор китыр:  
Истөгыд — ыджыд тай тор!  
Но сійө чужтывлө бипур,  
Код дорын ловзъывлө морт.

## АДДЗЫЛІ ЭЖВА ЙЫЛЫСЬ

Вунлытөм серпас выльысь  
Садьмөдлө менсьым мөвп:  
Аддзылі Эжва йылысь  
Тайос ме кольөм төв.

Төвзис машина миян.  
Юж туйыс — шылбыд, кын.  
Сотчытөм эзысь биөн  
Дзирдаліс гөгөр лым.

Видзөда, мый сэн водзын,  
Виччыся туйлысь пом...  
Лоисны сэки воча  
Школьникьяс — куим зон.

Лыжияс вылын найө —  
Оз, майбыр, сёрмыны, оз  
Но мыйла кырсө, кайө  
Ќти оз мукөд моз?

Казялі — босьтіс шемӧс,  
Паськаліс син и вом:  
Ёртьяскӧд кырсӧ веніс  
Кок пӧла ичӧт зон.

Кӧстыльяс — бедьяс пыдди,  
Гоз пыдди — ӧти лызь:  
Чуймалім ставӧн — кыз жӧ  
Тадзисӧ вермӧ, кыздз!

Тыдалӧ, вына сьӧлӧм  
Морӧсас сылӧн эм.  
Ӧти лун шудтӧм вӧлі,  
Сӧмын эз чегьяв нэм.

Восьлалӧ, а оз уяв,  
Петкӧдӧ йӧзлысь веж.  
Татшӧмыд нярган туйӧ  
Нинӧмысь нин оз кеж.

Ёртьяскӧд быдмӧ орччӧн,  
Вынаӧн лоны мед —  
Лыжиӧн кӧ оз кольччы,  
Мукӧдторьяд нин, дерт.

Тӧвзьӧ машина миян...  
Кӧрталіс мӧвпсӧ ёрт:  
«Эскӧй мем, коми пиян,  
Петлас на таысь морт!»

## КАМСАМАС

Угорскöй, либö вепскöй,  
А, гашкö, коми — ас:  
Важ сиктлөн нимыс тешкодь,  
Збыль тешкодь — Камсамас.

И мича жö тан места:  
Крут кыркöтш йылö дзик,  
Зэв вылö, Эжва весьтö  
Кыз быттö öшйис сикт.

Тась аддзан ылöдз-ылöдз,  
Кор шондi дзирдыс яр:  
Не сöмын Айкатыла,  
Но, чайтсьö-й, Сыктывкар.

Тан олö коми войтыр  
Зэв уна нэмъяс чöж.  
Сы йылысь дзормöм мойдьяс  
Пыр висьтавлöны йöз,

Кыдз овлөмаось орччөн  
И вепс, и коми морт,  
Сы йылысь, кыдзи коркө  
Тась бырис чудьлөн горт.

Быд нэм ас пайсө пунктө,  
Көть өткодьөн он шу,  
Но чудьлысь гу и спутник  
Өд чужтис өти му.

Дерт, чужтис сьорсьөн-бörсьөн...  
Но вунөдны оз ков,  
Мый олөмтө он шörсянь,  
Он кызь арөссиянь ов.

Мед овны восьса синмөн,  
Морт төдмалө ас вуж:  
Нем важыс кө эз инды,  
И талуныс эз чуж.

Быд выльтор мортлы муса  
И быдмыны век дась,  
Кор вужйыс эм, ас муыс  
И аслас Камсамас.

## ЭСТОНІЯ

Міян волігөн вöлі зэв шондіа  
Руөн-зэръясөн нималысь му.  
Ылын Комисянь куйлö Эстонія,—  
Вуджим мунігмоз вель уна ю.

Эмось міян кодь кыдзьяс да пожöмьяс,  
Усьлас син улад войвывса коз,  
Но Эст муын тшöтш яблоня гождьялö,  
Бытьö воöма гөститігмоз.

Гашкö, лунвылыс да лымья войвылыс  
Воча-вочасö воöны тан!  
Войвыв кодзүв пö дзирдсö тан койлывлö,  
Но и чатрасьö лунвыв каштан.

Тайöс аддзан и мөвпыштан-казьтыштан:  
Міян Эжва оз матыті кывт,  
А вот эст кывйысь кылыштам ассьыным  
Тöдса кыв,

Чужан кыв,  
Коми кыв.

Кор ми кыламöй эстьясльсь сьылöмсö,  
Бытьö войпукö воськовтлам со:  
Сэні коми кодъ став сьөлöм кылöмыс,  
Сöмын кывъяссö он гөгөрво.

И мем нимкодъ, мый вöлі зэв шондіа  
Руөн-зэръясөн нималысь му.  
Лоис матысөн, асөн Эстония,  
Чужан пармаөн көть и он шу.

## ЭСТОНИЯ

Миян волігөн вöлі зэв шондіа  
Руён-зэръясөн нималысь му.  
Ылын Комисянь куйлө Эстония,—  
Вуджим мунігмоз вель уна ю.

Эмось миян кодь кыдзьяс да пожөмьяс,  
Усьлас син улад войвывса коз,  
Но Эст муын тшөтш яблоня гожьялө,  
Быттьö воöма гөститігмоз.

Гашкө, лунвылыс да лымья войвылыс  
Воча-вочасö воöны тан?  
Войвыв кодзув пö дзирдсö тан койлывлө,  
Но и чатрасьö лунвыв каштан.

Тайöс аддзан и мөвпыштан-казьтыштан:  
Миян Эжва оз матыті кывт,  
А вот эст кывйысь кылыштам ассьыным  
Төдса кыв,

**Чужан кыв,  
Коми кыв.**

**Кор ми кыламöй эстьяслысь сьылöмсö,  
Бытьö войпуко воськовтлам со:  
Сэни коми кодь став сьолöм кылöмыс,  
Сöмын кывьяссö он гөгөрво.**

**И мем нимкодь, мый вöлі зэв шондіа  
Руөн-зэръясөн нималысь му.  
Лоис матысөн, асөн Эстония,  
Чужан пармаөн көть и он шу.**

## ГРЕЧАНКА

### *Баллада*

Лөз пармаын, Эжва ю йылын,  
Көн шувгöны пожом да ныв,  
Ме кывлі гречанкалысь сьылём —  
Элладаысь вайём мотив.

Дзор войвывсянь зэв ылын эськө  
Сьöd синкымалён чужанін:  
Сэн гыалö море Эгейскöй  
Да кисьмö лимон-апельсин.

А миянын ойзывлö бушков  
Да син ни пель нöбödö лым,  
Дай кödзыдыс емодас-сутшкас,  
Мый ки-кокыд овывлö кын.

Эг чайтлы, мый лунвывса дзоридз  
Тадз, нэм кежлö, вужъяяс тан,  
Мый велалас сёрнитны рочөн  
И лывкйöдлыны «Шондібан».

Но мянын сійö эз тöдлы  
Лёк видзöдлас,  
Сутшкасян кыв.  
Мед морт эськö мортöс эз вöтлы,  
А вой тöвлысь вöтлöм он кыв.

Бур шудсö бур войтыркöд йитіс —  
Мöд олöмлы вежыс оз пет:  
Эм верöс и ичöтик питор,  
И гöрд комсомольскöй билет.

Ме юала:  
Кызд олан ладыс!  
Кызд терпитö турöблысь сям!  
«Кöть чужтысьнас вöлі Эллада,  
Россия мем важöн нин мам.

Эз дзебсясьны,  
                    тiравны,  
                            повны  
Да корсьысьны ылыса шуд,  
Жан морöсөн велöдіс овны  
Россия.  
И мöд ног ог кут».

И воöны письмöяс эськö,  
Пыр чуксасьö шондіаин,  
Көн гыалö море Эгейскöй  
Да кисьмö лимон-апельсин.

Ме кывлі гречанкалысь сьылӧм —  
Эпладаысь вайӧм мотив —  
Лӧз пармаын, Эжва ю йылын,  
Кӧн шувгӧны пожӧм да ныв.

## КУИМ РӨМА ФЛАГ

Мозынсянь неылын  
Паськыд яла яг.  
Коми пожом йылын  
Сэн болгарскöй флаг.

Флагыс — куим рөма —  
Абу миян кодь,  
Сьөлөмөс тай сөмын  
Ньöти дзик оз дойд.

Йöзлөн флагыс быттьö,  
Но и быттьö ас,  
Пуктыны кө пыдди  
Дружбанымлысь пас.

Важөн ёрта-ёртлы  
Мыччим отсөг ки,  
Сійөн Мозын дорын  
Паныдасим ми.

Налы матыс лонс  
Миян яла яг.  
Бурён татчө воис  
Куим рёма флаг.



## ВОЙ КЫА

Чайтан, югöрсö судзöдан киöн —  
Öзьян бипурыс дзик вөрвыв тыр!  
Войся кыалöн аддзывтöм биöн  
Миян петкöдчис тövся Вуктыл.

Шуйга ки вылын — ланьтöм Печора,  
Веськыд ки вылын — еджыд Урал.  
Эз быд во татчöс вөрьясса ордым  
Весиг кыйсьысьлөн кыöсыс таль.

Тöрыт муыс кыз лым улын узис,  
Кыз тай гу пытшкö шебрасьöм ош.  
Талун пармаыс тöдлытöг пузис —  
Тадзтö унзильыд кызди оз вош!

Нэмьяс му пытшкын пузласис море —  
Вөлї топыдөн муыслөн тас.  
Нимыс морелөн дженьыд да гора:  
Газ!

Шедіс кабырас талунья мортлы  
Ышмөм морелөн вынийөр да грөз:  
Сійөс мездісны му пытшкысь ортсө  
Газсыс ярджык на сьөлөмә йөз.

Петө му пытшкысь, гыөмөн гыө,  
Уна во сылөн выныс оз чин.  
Газопроводлөн нимыс — «Вой кыа» —  
Шуда войтырөн думыштөм ним.

## **ВУКТЫЛСА АЭРОПОРТЫН**

— Бара туйө...—

Ышловзьёмөн шуас

Гётырыс:— Но мыйсяма тэ морт!

...Регыд нин Вуктылысь найөс нуас

Тундраланьө тэрыб вертолёт.

Вөвліны зэв перыдөсь да томөсь.

Кажитчывліс дзескыд гортса поз.

Чужан мутө сэки помсянь помөдз

Лэбны көсьян, бордьясыд кор чож.

Комсомольскын вөлі налөн свадьба,

А Уралын чужис ыджыд пи,

Сэсса ичөт нывканыслысь садьмөм

Кыйөдлывліс Братскөй ГЭС-лөн би.

Юр сюянін вөчлісны ас кинас

Быдлаын.

Эз нэм коллявны, эз:

Пасъявны кө налысь оланіньяс —  
Артмас уна гөрөдьяса гез.

Быдмисны и велөдчисны торйөн  
Бать-мамсьыныс челядь.

Сэн да тан:

Вөр шөр вöрын, бурөвöйяс дорын,  
Школаясыд абу.

Бөрдліс мам.

Өні оз нин.

Верстяммисны пиян —

Пöрысь мампы внукьяс вöсна шог:

— Пöль да пöчө өні нимным миян,  
Дыр-ө он веж ассьыд оланног?

— Медбөрьяысь, медбөрьяысь, пöчө...

Тундраысь вот сöмын аддзам газ,

Лунвылө сэк керка тшупам-вöчам,

Яблоня садйөр лоас ас.

— Тэ Вуктылө локтіг тадз жö шуин,—

Ышловзьыштас гөтыр:

— Но и морт!..

...Регыд нин Вуктылысь найөс нуас

Тундраланьö тэрыб вертолёт.

## **ЗАРНИ КОДЗУВ**

Кельыд төлысь, кизьөр югөр,  
Эшкынасьём вөр...  
Муртса волас лунся югыд,  
Саймовтчас нин бөр.

Но оз вётчыны сы бөрся  
Вөр лэдзысьяс, оз:  
Рөмыд сынöd потлө-вөрзьö,  
Лымйö усьö коз.

Өзтö трактор югыд синьяс,  
Муралö дзонь вой:  
Йирмөг лы-сьöмас оз инмы  
И оз мудзлы войт.

Сылөн, тракторыслөн, сьöлөм  
Зиль жö, мортлөн кодь:  
Кыкөн нюжтöны ю пöлөн  
Керьяс тыра додь.

Юр весьтаныс помтõм енэж,  
Кодзувъяс сэн тыр.  
Йõзлõн зильлун вылõ шензьõм  
Найõс босьтлõ пыр.

Кодзув пõвстысь кодкõ чеччас,  
Вундас енэж йир,  
Уджач мортлань усяс-лэччас  
Сылõн югыд дзирд.

Трактористлõн Зарни кодзув  
Морõс вылас эм:  
Бур уджсьыд õд бур и водзõс —  
Шензынысõ нем.

## КОМИОН СЫЛЫСЬ КОЛИП

Тэ — ылын, а сьёлөмыд — татон,  
Көн сетісны олөм да ним:  
Жар лунвылө сибдөм Куратов,  
Тэ войвывлань веськөдлін син.

Ас войвывлань, кытөні пемыд  
Да кытөні енэжыс руд.  
Иван Алексеевич, тэныд  
И шонді эз вичмөдышт шуд.

Тэ кызөктан, ышловзян шога  
И кывбурьяс тэчан дзонь вой —  
Поэтьяслы лөсялан ногон  
Тэ пөдтылан сьёлөмсьыд дой.

Но асывнас бара тэ кылан,  
Мый дойыс эз ям ни эз чин:  
Оз төд некод паськыд му вылын,  
Оз төд коми колиплысь ним.

Быд тулысын петоны туйо  
Тась лэбачьяс,  
Кельобныс кузь.  
Тэ дась шуны:  
«Кывбурөс нуёй  
Лөз Пармао, дзодзөг да юсь...»

Но лэбачьяс лэбёны вылі,  
Оз кывны и жальныс оз пет,  
Мый йөз муын комион сьылө  
Да коми ног шогсьө поэт.

Эз лэбачьяс борд вылын гортө  
Жар лунвывсянь лок сьыланкыв —  
Дыр мысти, сё во мысти коркө  
Ми кылімөй тэнсьыд бур кыв.

Но кылім да радлім, и шензим,  
И вөлімөй нимкодьюсь ми...  
Оз ков öні повнысö тэныд,  
Мый кусас поэзия би:

Од комион гижысьыд рөдмис...  
А миянлөн ас чужанін,  
Иван Алексеевич, төдө  
И кывбуртө тэнсьыд, и ним.

## **ӨНӨДЗ ВИСЬТАВЛӨНЫ ФОТОЯС...**

### **1. Талунья серпас**

Лантөм паркын абу ру ни төв,  
Вөрзөдчүтөг онялыштө сынөд.  
Нывбаба сэн пукавлывлө чөв  
Аслас внуккөд, донаыскөд, суккөд.

Сійө — вильыш...

Сылы — витөд ар...

Инас сійө некыдзи оз өшйы:

Талун нин дась кытшовтны Му шар,

Талун нин дзик ставсө төдны көсйө.

Нывбабалөн мөвпыс:

«Мед пө, мед...»

Гусьөникөн нюмъялыштас бабыс.

Но вот өтчүд:

«Вовиклөн эм дед,

Но а мыйла менам дедөй абу!»

Енэж — сэзь.

Но быттьо кучкис гым,

Перйис фото бабыс, внуклы сетіс:

Лейтенантлөн пельпом сайысь тшын

Да том чужом внукус аддзис сэтысь

«Тайо — тоштөм,

Тайо абу дед,

Тайо — зонка...

Менө өд он пөръяв...

Ичөт морт эз вермы төдны, дерт,

Мый фронтвывса фотоыс — медбөрү

Нывбаба эз кыпөд дзормөм юр,

Внуккөд вензьөм вылө эз вөв помка

Воча кывйыс сідзи и эз сюр:

«Мый нө вөчан, пиук!

Дедыд — зонка»...

## 2. Печорабердса сиктын...

Ми нурьясим, узыны нин водім,

Но дед вөлі сёрнитны рад

И петкөдліс важмыштөм фото:

«Медичөтик пиөй, салдат...»

И петкөдчө миянлы серпас:  
Фашистьяс со вөлөмны тан —  
Салдат сайын сотчысь на керка,  
А бокинджык — жугалөм танк.

Салдатлөн став чужомыс шудөн  
Дзик ойдөма...  
Зэв тешкодьног  
Ас пидзосьяс пом вылас кутö  
Да кагалы паньөдö рок.

И быттьокö шуалö:  
«Радлы,  
Тэ, нывкаой, эн сэссия бөрд:  
Өд тайö сөветскöй салдатьяс,  
Ми тэ дорö писькөдчим бөр».

Ми аддзылим важмыштөм фото  
И видзөдим дзевбөмөн лов...  
Эм снимоклөн мышкас и содтөд:  
«Бать,  
Төрыт ми мездимöй Псков...»

## СОНГМИ

Сьолём небзьёдöны, мичмödöны мусö  
Ловья дзоридз, ловья муслун, ловья морт.  
Миян йöзлы, миян чужан мулы муса  
Олём шыыс:  
Гажа серам, сьылём гор.

Том салдатьяс миян ловья олём ради  
Шоныд морöснаныс вевттисны му шар,  
Мед эг тöдлöй сэсся некор локтан кадö  
Сотчём Лидице, Орадур, Бабий Яр.

Бурдтём дейөн сьолём пытшкö тайö кольччис.  
Сэки кералімöй челядь виысь ки.  
Код нö чайтис, сувтас Лидицекöд орччөн  
Талун тшöтш вьетнамскöй сикт — Сонгми.

Думыштлиöй, бур войтыр:

Талун, талун!—

Кызь вит во мысьт бара сотчö Орадур.

**Бара челядьос морт виысь кокнас тальо,  
Пужйон гыөртө Вьетнамса мамлөн юр.**

**И Америкалы вочавидзны ковмас,  
Кор фашизмкөд сійө венчайтчыліс, кор!  
Мыйла көсийө сійө, светас мед эз овны  
Ловья дзоридз,  
Ловья муслун,  
Ловья морт!**

## ЧЕЛЯДЬ ДА ВОЙНА

Чужан му!

Тэнад пось морös вылын

Кымын сулалö из обелиск —

Став сöветскöй геройясным йылысь

Сöстöм,

Гордöй

Да чöволан висьт.

Кызкö ёсьджыка сьёлöмад бытшкас

Öттшöтш лөглун

И муслунлөн би,

Кодыр дзоридза школьнöй парк пытшкысь

Обелискьяссö аддзамöй ми.

Сэни — челядь...

И öттшöтш геройяс,

Налөн подвигыс чуймөдиc мир.

Тэнад, чужан му, бурдлытöм дойыд —

Дженъид олӧмныс —  
Чардбилӧн дзирд.

Нинӧм налы эз вӧв тэысь дона  
И тэ, Рӧдина, мӧвпалан со:  
Усьӧм челядьсьыд мый вермис лоны,  
Мыйта шондiатор!..  
Да эз ло.

Школа выланыс жалитан синмӧн  
Обелиск налӧн видзӧдӧ.  
Да!  
Челядь колисны кувлытӧм нимъяс,  
Кызди кувтӧм вит пома звезда.

Бара шуд усис быдтысьны тэныд.  
О, кызд кӧсьян тэ, Рӧдина-мам,  
Воча-воча эз волены медым  
Муса челядь  
Да зывӧк война.

## **ДЗОРИДЗЬЯС**

**Дзоридзьяс тан лөзалёны бара...**

**Горным ылын,**

**А дзык ставыс ас:**

**Тан войналён медся сьёкыд арын**

**Важ окопяс кольёмаёсь пас.**

**Висьталан, кыз ставыс сэки вөлі:**

**Батарея вылө — квайт снаряд.**

**Сизимёдыс —**

**Скөрмём, пузьём сьёлём,**

**Кын окопө колис том салдат.**

**Ыджыд воклы вөлі кызы кык арөс,**

**Аддзылін, кызд орис сылөн нэм.**

**Дзоридзьяс тан лөзалёны бара...**

**Бур, мый найёс петкөдлін тэ мем.**

● ● ●

Казьтывлывлө мем военкомат:  
«Миянө пө пырав, лейтенант».  
Гортсаяс сэк шызъывласны скөнъ —  
Гашкө, көнкө-мыйкө абу лөнъ.

Рөдинаным вильшасьны оз кут —  
Вичмөдө быд мортлы асшөр шуд.  
Ми — запасынөсь...  
Но өниөдз  
Чужан муным син увсьыс оз лэдз.

Эмөсь уна мекөд тшөтшья йөз —  
Новлөны шынельяс нэмныс чөж:  
Вой көть лун ракетаяслысь ныр  
Кытчө колө веськөдөны пыр.

Здук кежлө оз куньсьыв налөн син,  
Здук кежлө и төждысьөм оз чин.  
Атьө налы!  
Ола гортын, тан —  
Мирнөя запасса лейтенант.

## КОКНЬЫД БОБУВ КОДЬ НЫВ

Муслун ытва кодь овлө,  
Овлө лысва кодь рам.  
Сійөс сьөлөмад новлан,  
Сійө ёсьтывлө сям,

Кодлөн дзоридза шалыс,  
Кодлөн дона быд кыв,  
Платтьö кыа кодь алöй,—  
Кокньыд бобув кодь ныв.

Но война регыд лоис,  
Зонмөс чукөстис фронт.  
Сьөлөм косьтысьсö колис  
Чужан сиктаныс зон.

Чорзис зонмыслөн кыис —  
Быд атакаын дум:  
Медым бобулөс, сійөс.  
Война бушков эз ну,

«Менö чайт гöтыр пыдди,  
Тэнö виччысьны рад»,—  
Шоныд письмöяс лыддис  
Кын окопын салдат.

Зон эз тöд, дерт, мый вичмис  
Нывлы быдсяма удж:  
Ыбын, видз вылын личкис,  
Личкис сплав вылын мудз.

Муніс зон Эльба дорöдз,  
Врагöс кытчöдз эз чег.  
Выльысь ордена морöс  
Нылöс топöдіс сэк.

Кодлөн дзоридза шальыс,  
Кодлөн дона быд кыв,  
Платтьö кыаысь алöй,—  
Кокныд бобув кодь ныв.

## **ТЭЫСЬ КЫНДЗИ МЕМ НЕКОД ОЗ КОВ**

Муслун гөрддзасис ставыс зэв лөсьыд,  
Мыла кажитчө быд сьыланкыв,  
Сэки майшасьтөг, кокньыда, пөся  
Аслас мусуклы шөпкөдө ныв:  
Тэкөд йитчөма лов,  
Тэтөд здук ме ог ов,  
Тэысь кындзи мем некод оз ков.

Клятва кывъяс моз верөслы шуис,  
Воліс татчө кор гымалан кад,  
Сьөрсьыс аскөдыс фронт вылө нуис  
Дона гөтырлысь ловшы салдат:  
Тэкөд йитчөма лов,  
Тэтөд здук ме ог ов,  
Тэысь кындзи мем некод оз ков.

Гортө уна салдатьяс эз воны,  
Кодъяс оцөмсө, пунктисны сэк.  
Налы эскөдан кывъяслөн доныс

Коляс зарниысь донаён век:  
«Тэкөд йитчөма лов,  
Тэтөг здук ме ог ов,  
Тэысь кындзи мем некод оз ков».

Төдлам аски на гажтөм и долыд —  
Шудыс ставнымлөн абу ли эм,  
Сөмын ышөдөм ставнымлы колө,  
Мед жө пельясын тиньгöны нэм:  
Тэкөд йитчөма лов,  
Тэтөг здук ме ог ов,  
Тэысь кындзи мем некод оз ков.

## МЕМ НИНОМ АБУ ВЕСЬКОДЬ

Ме тэнö радейта.

Мем нинөм абу веськодь.

Мем абу веськодь, кыдзи коляс лун:

Мед удж и сёрни ставыс вöлі веськыд,

Мед сöстөм вöлі вöчөмтор и дум.

Мем абу веськодь, сёрнитö мый йöзыс

Ме йылысь, кодi сетö кутшөм дон:

Öд ме вылö кö сöлас лёкыс, лөжыс,

И тэныд инмас сiйö лөжлөн пом.

Мем абу веськодь, кодыр шудлөн югөр

Сөдз нюмөн шонтö тэнсьыд чужөмбан.

Мем абу веськодь, кутшөм бөрья юөр

Войнаяс йылысь ваяс Левитан.

И нинөм быттьö майшасьнысö эськө,

Ми тэкөд быдмам, быдмам воысь-во...

Ме тэнö радейта.

Мем нинӧм абу веськодъ.  
И тӧждыся,  
Мед тэныд лёк эз ло.



## КОР ПӨЛЫШТАС ЛУН ТӨВ

*Ириналы*

Кыдз ныв дырйи-д коркө,  
Тэ воштылан унтө,  
Кор садьмасны шорьяс,  
Кор пөлыштас лун төв.

Сэзь енэж кодь сөстөм  
Лөз синьясад нюмыд.  
Сэк зэв югыд бордыяса  
Овлывлө думыд.

О, кыдзи ме көсья,  
Мед пыр вөлі тадзи,  
Мед букыштчөм луньяс  
Тэ нэмыд эн аддзыв.

Но волöны зэрьяс  
И виччысьтөм пужьяс,  
А сайöдны наысь  
Ме тэнö ог куж на.

Ме вунöдла тэнсьыд  
Став мывкыдтö, буртö  
И бушковтөг, төвтөг  
Кос вой пу моз дзурта.

Дерт, колö мем, колö  
Ён ниаон лоны,  
Мед кыз пулы, тэныд  
Кыз шогö не воны.

Тэ медьёна колан  
И öнi, и бöрын.  
Кор тэ мекöд орччөн,  
И бушков оз пöрöд.

Кор тэ мекöд орччөн,  
И вой төв оз вунды.  
И кажитчö меным,  
Мый пöлясьö лун төв.

## ТЭНӨ КӨ РАДЕЙТЫСЬ ЭМ

Олөмыс овлывлө енэж кодь лөзөн,  
Жугыльтчөм оз көвьясь нем,  
Пужйысь он кынмы и зэрысь он дөзмы,  
Тэнө кө радейтысь эм.

Окота төлысьөдз, кодзулөдз воны,  
Кодлыкө дзирдавы сэн,  
Окота бордьяөн, вынаөн лоны,  
Тэнө кө радейтысь эм.

Окота бур йөзлы отсөг ки сетны,  
Сөстөма колльөдны нэм,  
Биысь и ваысь и из улысь петны,  
Тэнө кө радейтысь эм.

Лун кө нин воас, зэв гудыр и сімьд,  
Муслуныд отсыштас тэн:  
Кокныдджык шудлунтө бергөдны дінад,  
Тэнө кө радейтысь эм.

Муслун мед кельдывтөм дзоридзөн вөлі,  
Сійос эн пөръявлы, эн.  
Сьокыд зэв дзоньтавны жугласьом сьолөм,  
Гэнө кө радейтысь эм.

## ВЕСИГ ТЭ ОН ТӨД

Ог, ог кут ме висьтасьны,  
Синмасьны ог мөд.  
Мый ме тэнö радейта,  
Весиг тэ он төд.

Төдö сьылысь колипкай  
Тэнсьыд дона ним.  
Төдö, менам мүслунöй  
Ытва кодь, оз чин.

Төдö менсьым майшасьöм,  
Төдö менсьым мөвп  
Тэнсьыд юрси дзуглывлысь  
Вильыш лунвыв төв.

Төдö ягвыв пожöм пу,  
Төдö юдор льöм,  
Но оз восьтны гусятор —  
Коді дона мем.

**Сьёлём пыткам новлёдла  
Муслун вой и лун,  
Вералё век син водзам  
Тэнад сөстөм нюм.**

**Но ог кут ме висьтасьны,  
Синмасьны ог мөд,  
Мый ме тэнö радейта,  
Весиг тэ он төд.**

## **КУТШӨМ ОВЛӨ МУСЛУН...**

**Муслун — сійө югыд сөстөм кодзув,  
Тэрыб бордъяс вылын лэбысь вой.  
Муслун — сійө кокныйд, мича бобув,  
Колана и чөскыд сьөлөм дой.**

**Муслун — сэки майшась тэ да вежөкт,  
Курыд синва кисьтны уна вель.  
Муслун — сійө бытшкасяна лежнөг,  
Сьөлөм пытшкө йөрмөм чорыд жель.**

**Кутшөм көть оз овлы эськө муслун,  
Асьным көсьям, некор мед оз куслы!**



# Сӧнъясын ӧткодь вир...

---

## ПОЭМА

Ленинградсянь татчаньын,  
Кӧнi вӧрыс тшем,  
Валя нима станция  
Кӧрт туй вылын эм.

Валя... Мелi нимас  
Бытьӧ сӕльгӧ шор,

Валя, Валентина —  
Көлөкөльчик гор.

Валя, Валентина —  
Колип сьыланкыв.

Валя, Валентина —  
Чөдлач синма ныв.

Ленинградсянь татчаньын,  
Волхов дорын сэн,  
Лөсьыд нима станция  
Көрт туй вылын эм.

Пармаын кодь гожом сэн,  
Миян кодь жө му.  
Видзёны дзор пожомьяс  
Ыджыд братской гу.

Поезд төвзё-чуксасьё  
Пармалань быд лун,  
Но оз садьмөд тутсөмнас  
Усьём йөзлысь ун.

Небыд муыс вояс чөж  
Луньюгид оз восьт.  
Орччөн төвзьясь поездыс  
Гортаныс оз босьт.

Кодёс өнөдз виччысям,  
Тшөтш жө узьö тан —  
Нэмнас некор бритчывтöм  
Коми лейтенант.



А сийö шудтöм воас  
Сідз оняліс июнь,  
Сідз югзьывлісны войяс —  
Кöть синтö он и кунь,

Кöть узьны он и водлы,  
Кöть гортад он и пыр.  
Ме тöда, Ваня, кодкөд  
Тэ колльөдчывлін дыр.

Том гөтырпуыд — Валя...  
Кызд нимкодясис мам!..  
Но ставсö тайöс талис  
Да кресталис война.

Тэ мөдін сьökыд туйö,  
Но вылын кутін юр,  
И шуалін, мый юан  
Он медбөрьяысь сур.

Мый гортад регыд локтан,  
Тэ сьылін сьыланкыв:

«По Муромской дороге  
Стояли три сосны»...

Да, мамным мян быдтис  
Дзик буретш куим пи.  
И сыланкывсьыд быдөн  
Сэк гөгөрвоим ми:

Ён пожом весиг пөрлө —  
Со өнөдз кыскам шог:  
Од финской вылысь бөрсө  
Медыджыд вок эз лок,

«По Муромской дороге  
Стояли три сосны»...  
Зэв шога, шога, шога  
Тшөтш сыліс муса ныв.

Зэв сьökыд гортысь петны —  
Мам сывйысь дыр он мын,  
Но лөглун кыскис сэтчань,  
Көн юраліс лөк гым.

■

Ваня, сэтшөм өдйө лэбзьö кадыс:  
Лун да вой —  
И гөгыльтчөма во.

Вежсис-бурмис сиктлөн олан ладыс,  
Ме нин батын важн лон со.

Ваня, тэкд торьялим ми нимон,  
Сэсса откод соньясаным вир,  
Сэсса аддзывлим ми откод синмон  
Мовпалигон кодзувьяслыс дзирд.

Отув вили нимкодъыс и радыс.  
Лек ко вили, кыкнаннымлы лек.  
Ваня, сэтшом одйо лэбзьо кадыс,  
Товзьо кадыс,  
Ваня, дона вок.

Ме эг вунод.  
Кувтодзой ог вунод.  
Кор ме вили быттьо ичот шег,  
Долыд праздник, майской праздник луно  
Пельпом вылад пуксьодлывлін век.

Ме эг вунод,  
Кыдзи сцена вывсянь  
Сиктса йозос гажодлывлін тэ.  
Тэкд орчон гажа сыланкывьяс  
Улос вывсянь чилзи-сывли ме.

Ме эг вунод,  
Шыпасьяс кыдз гижли —  
Тэнад кыд куте менсым ки:

Гашкө, сэки өзйис, пыдө йиджис  
Сьөлөмам мем  
Тэнад сьөлөм би.

Ваня, сэтшөм өдйө лэбзьө кадыс...  
Ме сэк эг на велөдчысьөн вөв,  
Кор тэ сувтін Комсомоллөн радө —  
Верстыөджыкөн лоин уна пөв.

Ытшыксян машина, первой трактор.  
Чуймөдана выльтор — югыд би —  
Ставсө вөлі гөгөрвоан. Артмө,  
Ладмө накөд тэнад кужысь ки.

Рытын сиктса йөзлөн гажыс-шудыс  
Тэ гөгөрыд гартовтчыліс ган,  
Кодыр киад ловзяс, сьывны кутас  
Муслун йылысь сёрнитысь баян.

Тэнө весиг вежөктыны понді:  
Кыз нө сідз! —  
Зэв сёр нин, а он лок.  
Көзяинөн эновтөм рам пон моз  
Виччыся ме тэнө, ичөт вок.

Бур, зэв бур,  
Мый сэки вөлін шуда —  
Жан морөсөн, воқөй, олін тэ:  
Талун кө собранье сиктса клубын,  
Аски рытнас — том йөзлөн концерт.

Чайті, клубас кыскө Валентина —  
Сиктса медся сьылысь-йөктысь ныв.  
Эг на төд, мый том йөзөс тэ дінад  
Кыскө гажлөн серамбана тыв.

Казялісны өдйө тэнсьыд сьөлөм,  
Бытьё ортсын өзйө, зіль да яр:  
Регыд мысти сиктаным тэ вөлін  
Бөрйөм комсомольскöй секретарь.

Тэ он төд, ой, кутшөма ме радлі,  
Кор тэ мекөд орччөн, статя, ён:  
«Чолөм, комсомольскöй

секретарьлы!»

Мөдьяс: «Видза олан, агроном!»

Помкатөмджык вөлі ошкан кылыс —  
Агрономөн эн на эськө вөв,  
Но кор вердысь-матушка му йылысь  
Мунліс сёрни,  
Сюся кывзін чөв.

Пельяс саяд сюркнявлін.

И быдмин —

Нинөмысь эн петитчывлы бөр:  
Тэнад агас сынавлывліс ыбьяс,  
Эжа муяс бертліс тэнад гөр,

Муөсьтны эн пов,

Ог шу нин,—

Кияс,  
Весиг вомнад видлавлін сьод му.  
Сідзи мукод аныс ассыс писо,  
Ассыс нывсо лелькуйтны оз куж.

Нимтысьомьяс пыдди тэ эн пуктив:  
«Агроном». И мед.  
Но аслад вөлі мог:  
«Помалам на коркө институтьяс.  
Тэ эн майшась, менам дзоля вок!»

Ставыс тайо вөлі, Ваня, вөлі:  
Нывлөн муслун,  
Ыбьяс вылын нянь...  
Сөмын тай бур мөвпьяс вылад сөліс,  
Ставсө чашйис-гудыртис война.



Ленинградсянь татчаньын,  
Көні вөрыс тшем,  
Валя нима станция  
Көрт туй вылын эм.

Пармаын кодь гожом сэн,  
Миян кодь жө му.  
Видзöны дзор пожомьяс  
Ыджыд братскöй гу.

Поезд төвзье-чүксасьё  
Пармалань быд лун,  
Но оз садьмөд тутсөмнас  
Усьём йөзлысь ун.

Небыд муыс вояс чөж  
Луньюгыд оз восьт,  
Орччөн төвзысь поездыс  
Гортаныс оз босьт.

Кодёс өнөдз виччысям,  
Буретш узьё тан —  
Нэмнас некор бритчывтём  
Коми лейтенант.

## ЮРИНДАЛЫСЬ

Йөзөс шонтыны көсья. Кывбурьяс . . . . .	5
Медводдза букварь . . . . .	5
Партиялөн пи . . . . .	8
Чужан лунён, менам Комсомолёй . . . . .	9
Чужан му . . . . .	11
«Торъя муса овлө чужаніныд...» . . . . .	12
Эм чужан сикт . . . . .	13
Сиктса зон . . . . .	15
«Йөз муын кө чорыда висьман...» . . . . .	18
Гортса пывсян . . . . .	20
Батькөд сёрни . . . . .	21
Мам да пи . . . . .	22
Романтика йылысь . . . . .	24
Мамлөн кыв . . . . .	26
Пөчө . . . . .	28
Шойччөм йылысь . . . . .	30
Кокни бордъя май . . . . .	31
«Эжва кывтыд төвзьё теплоход...» . . . . .	33
Көка войяс . . . . .	35

Товся асыв . . . . .	36
Нимъяс . . . . .	38
Йирсьödчигөн . . . . .	39
Льöмью . . . . .	41
Истög . . . . .	43
Аддзылі Эжва йылысь . . . . .	44
Камсамас . . . . .	46
Эстония . . . . .	48
Гречанка. Баллада . . . . .	50
Куим рöма флаг . . . . .	53
Вой кыа . . . . .	55
Вуктылса аэропортын . . . . .	57
Зарни кодзув . . . . .	59
Комиён сьылысь колип . . . . .	61
Öнöдз висьтавлöны фотояс . . . . .	63
Сонгми . . . . .	66
Челядь да война . . . . .	68
Дзоридзьяс . . . . .	70
«Казьтывлывлö мем военкомат...» . . . . .	71
Кокныд бобув ксдь ныв . . . . .	72
Тэысь кындзи мем некод оз ков . . . . .	74
Мем нинöм абу веськодь . . . . .	76
Кор пöлыштас лун төв . . . . .	78
Тэнö кö радейтысь эм . . . . .	80
Весиг тэ он төд . . . . .	82
Кутшöм овлö муслун . . . . .	84
Сөнъясын öткодь вир. Поэма . . . . .	85

**Альберт Егорович Ванеев**

**ЗЕЛЕНЕЮТ БЕРЕЗЫ**

*Стихотворения*

*Поэма*

*На коми языке*

Художник **В. В. Поляков**

Редактор *В. А. Попов*

Худож. редактор *А. В. Мошев*

Техн. редактор *А. Н. Вишнева*

Корректор *Э. С. Грегер*

Сдано в набор 20/1-1972 г. Подписано к печати 1/III-1972 г.

Формат 60×84<sup>1</sup>/<sub>32</sub>. Бум. л. 1,5. Печ. л. 3,0.

(Уч.-изд. л. 2,1). Ц00141. Заказ № 396. Тираж 1500.

Бумага № 1. Цена 23 коп.

Коми книжное издательство. Сыктывкар. Дом печати.

г. Сыктывкар, Республиканская типография Управления  
по печати при Совете Министров Коми АССР

Case 1:13-cv-00001-UNA Document 1-1 Filed 01/13/14

2/13

23 коп.

КОМИ КНИЖНОЙ ИЗДАТЕЛЬСТВО

1972